



Broj: 15-03-16-5-21-55/21

Datum: 6.7.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## **O D L U K U** **o izboru najpovoljnijeg ponuđača**

### **Član 1.**

Najpovoljniji ponuđač u postupku javne nabavke auto-guma i potrošnog materijala, objavljenog na *web* portalu Agencije za javne nabavke Bosne i Hercegovine, broj Obavještenja o nabavci 1110-1-1-22-3-39/21 od 6.5.2021. godine, koji je proveden otvorenim postupkom, je GUMA VP 200 d.o.o. Mostar.

### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom donošenja.

## **O b r a z l o ž e n j e**

Komisija za provođenje postupka javne nabavke (u daljem tekstu: Komisija) je konstatovala je da je rok za dostavljanje ponuda 1.6.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača: GUMA VP 200 d.o.o. Mostar, LADA AUTO d.o.o. Banjaluka i EURO DAM-JAS d.o.o. Lukavac. Neblagovremenih ponuda nije bilo.

Prema specifikaciji navedenoj u Tenderskoj dokumentaciji, Komisija je, nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Prilikom pregleda ponuda prema njihovom sadržaju i potpunosti Komisija je utvrdila da ponuda ponuđača LADA AUTO d.o.o. Banjaluka nije prihvatljiva, s obzirom da prilikom popunjavanja Aneksa 4. – Obrasca za cijenu ponude ovaj ponuđač nije naveo podatke o marki i tipu auto-gume koju nudi, te je njegova ponuda odbačena u skladu sa tačkama 5.2, 6.13 i 11. Tenderske dokumentacije.

Komisija je prilikom provjere računске ispravnosti dostavljenih ponuda utvrdila računске greške u ponudama GUMA VP 200 d.o.o. Mostar i EURO DAM-JAS d.o.o. Lukavac, te je



istima svojim aktima od 15.6.2021. godine u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) uputila zahtjeve za prihvatanje ispravki grešaka. Ovi ponuđači su dana 16.6.2021. godine, odnosno 17.6.2021. godine prihvatili izvršene ispravke računskih grešaka.

Nakon pregleda i analize ponuda, i po izvršenoj e-aukciji, Komisija je utvrdila da ponuda ponuđača GUMA VP 200 d.o.o. Mostar, sa ukupnom cijenom od **17.075,76 KM bez PDV-a**, odnosno **19.978,64 KM sa PDV-om**, u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC

дигитално потписано / digitalno potpisano / digitally signed